

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. VII. TIT. III. Quando Dies Ususfructus Leg. Cedat.

urn:nbn:de:gbv:45:1-9044

USUFRUCTU ACCRESCENDO.

Qv. I. *An usufructus etiam accrescat verbis conjunctis?*

Laut. pag. 127. verb. Sive verbis tantum. **N**EG. Quia iis tantum accrescit, qui ab initio solidum habere videntur; quales hi non sunt, qui verbis conjunguntur; his enim ab initio partes dedisse censetur testator. *L. 89. de leg. 1. de quo plenius infra, ad tit. de jure accrescendi & late Müller. ad Struv. h. §. 28.* Equidem in praxi contrarium obtinere ait *Dn. Stryk. U. M. h. §. 2. de quo videbimus diff. tit. de jure accrescendi.*

QUANDO DIES USUFRUCTUS LEG. CEDAT.

Qv. I. *Cur usufructus pure legati dies cedat ab adita hæreditate?*

Laut. pag. 128. verb. Pure legati ab adita hæreditate &c. **R**ESP. Ideo quia usufructus in facto personæ consistit, *l. 3. §. f. Quib. mod. us. am. l. un. pr. h.* indeque sine persona concipi nequit. *d. l. 3.* persona autem demum capax fit post aditam hæreditatem; *L. 2. l. 3. Quand. dies leg. l. 5. §. 1. Eod. l. 16. §. f. Eod. l. un. §. 2. h.* tunc enim constituitur usufructus cum quis jam uti potest. *d. l. un.*

Effectus est, quod usufructus ita legatus ante aditam hæreditatem non transeat ad præmortui legatarii successores, obligatio enim, quæ non cœpit in defuncto, non potest transmitti ad ejus hæredes. *d. l. 2. §. 3. §. 5. d. l. un. per. tot.*

INSTO, quod hæreditas jacens quoad effectum acquisitionis representet personam hæredis. vid. *sup. l. 5. tit. 2. q. 1.*

RESP. (1) Hoc verum de juribus, at possessio, & ea, quæ in facto consistunt, ad hæredem non transeunt, nisi reali ejus apprehensione, *l. 23. Acq. vel am. poss.* nec incipiunt nisi persona capax sit quæ frui possit. *d. l. un. §. 3. vid. l. 8. l. 10. de V. O.*

RESP.

RESP. (2) Non queritur hic de jure hæredis, sed legatarii, qui jus quidem legati regulariter acquirit a tempore mortis, sed ea quæ facti sunt non nisi post aditam hæreditatem, quia ea nec ipse hæres habet.

OBJ. (2) Quod legata ipso jure transeant a tempore mortis.

RESP. Excipe si legata in facto legatarii consistunt, uti ususfructus &c. tunc enim ea non incipiunt nisi adita hæreditate.

In foro nihil hactenus mutatum esse ait *Stryk. U. M. h. §. 1.*

Qv. II. *An dies ususfructus in singulos menses vel annos relictis cedat initio simul an vero singulis mensibus annisve?*

Posterius AFFIRM. ita ut non unum legatum videatur, sed plura. *L. un. §. 1. pr. I. h. l. 10. ff. Quand. dies leg.*

OBJ. *l. 41. ff. usufr. leg.* Ubi qui legat fructus annuos, videtur unum legatum constituere voluisse.

RESP. Hic non ususfructum in singulos annos legat, adeoque nec illum multiplicat, sed unum legatum est *der jährlichen Einkünfte*, vid. *Struv. Evol. h. th. 32.*

Multum autem interest, an unum sit legatum, an multiplex; illo enim casu purum ac perpetuum est legatum, hoc casu vero conditionale est, ac morte finitur. *l. 4. ff. An leg.* Illo casu ad hæredes legatarii transit legatum, non hoc. *l. 4. pr. l. 5. pr. Quant. dies leg. §. c.*

LIB. VII. Tit. IV.

QVIBVS MODIS VSVSFRVCTVS ET VSVS AMITTITVR.

Qv. I. *An ususfructus civitati relictus finiatur 100. annis?*

AFFIRM. *L. 56. ff. Usufr.* nam quia civitas nunquam moritur, indeque perpetuus redderetur usufructus, proprietas vero inutilis maneret, leges certum tempus, quo municipales uterentur, constituerunt, centum scilicet annorum; quia is finis vitæ longævi hominis est. *d. l. 56. ibique Goth. & Dd.* nisi pacto certum tempus adjiciatur, quod hodie plerumque fieri solet. *Struv. h. th. 32. ibique Evol.*

OBJ.

